

KOVÍDH-19 VÉKSIN ÓKKOL ORE KÍBAFE TÓIYAR GÓIJJE

030321 Rohingyaish

Véksin úggwa toiyar goitte bosora bosori cómoi lagit fare. Lékin, KOVÍDH-19 véksin ókkol, KOVÍDH-19 biaram óde váires loot faiyore ek bosór ottu hom cómot báir óiye. Íyan kibáfe ói aicce?

Véksin ókkol iinore teés gora ar héfazotir cék gorár tobka ókkol beggín káamel góijjede íyan zana zoruri. Honó tobkare bat nóde.

KOVÍDH-19 véksin ókkole véksin hísafe kobul óibor aám tobka beggín ore fargori aiyer.



Ehonór thaim ot ki forók áccil?

Ehonór thaim ot, ricác goroiya ókkol, fédheral hókumot ar praibíth kumpaní ókkolor maze fúáñti milizuli hamgoraye aám hisabor thaim ore homaiye. KOVÍDH-19 véksin or karuwayi toratori óiyede íyan or késsu haron eçe boiyan gorir:

- **Sáñisdar ókkol agai áccil.** KOVÍDH-19 véksin toiyarir céctha cúru óiye agór fura duniyait koronaváires (haásgori SARS ar MERS váires ókkol) or ricác ottu ar agaigiye véksin théknolojit.
- **Thiañ-foisa o fáil.** Taitai véksin esthádiilla thiañ zuhar gora boout thaim or befar. KOVÍDH-19 véksin olla, fédheral hókumot é beca-beci thiañ-foisa modót goijje véksin toiyarir hámot lagaibólla.
- **Esthádi gin ek sáte óiye.** Ricác goroiya óle dabaigorár amóli teés or esthádir tobka tiniwálla manúic ókkol ore éki thaim ot ainne. Batti thiañ-foisa faiyéde etólla itára esthádir tobka tiniware úggwar fore úggwa nogori ek sáte solai zai faijje.
- **Mal neela soore cúru óiye.** Fédherel hókumot or modot ar sapóuth loi, véksin toiyar goroiya óle véksin bana ar pekéth gora cúru goridiye zettót dabai gorár amóli teés or esthádi solédde thaim otu.
- **Kanuni pabondi hom.** Noiya KOVÍDH-19 véksin ólore Food and Drug Administration (FDA) (Hána ar Dabair Todarokir Tonzim) or torfóttu Emergency Use Authorization (EUA) (Emarjénsi Estemal or Ejazot) loi kobul gora giye. Ehotálla aám kobul gorár amóli karuwayir saíte boóut hom thaim laigge. Fédherel levél ot grúp ókkole véksin ólore nozorsáni gorát honó cím ore rúkawoth boníto nóde. Mesál hísafe, FDA é nozorsánir karuwayi amól or thaim ore mac ólottu háfta ólor bútoire homi aibólla boóut estáff ezafá gozzíl.
- **Esthádir véksin ókkol kamiya óiye.** KOVÍDH-19 biaram agagura fóligiyoide etólla, véksin maijja hozon manúic KOVÍDH-19 biaram ór íyan véksin nó maréde indhílla hozon ottu biaram ór tolonagori sáñisdar óle cúndor bafé toratori zanit farér.
- **Héfazot age.** Véksin úggware cúde kobul gore zohón esthádi gori zanzade véksin gwa mahafúz ar hamgore. Zettót beca-beci manúic óle véksin marér, FDA ar Centers for Disease Control (CDC) (Biaram Konthroul or Senthari ókkol) é véksin or babote maalamat ókkol dóla gorér ar iíne hóddúr bala gori hamgorér íyan o lagatar esthádi gorizar.



KOVÍDH-19 Véksin Toiyarir Tobka Ókkol

Véksin Dabaigorár Amóli Teés or Esthádhí

Véksin Héfazoti Dhatha Nozorsáni

Véksin Banazar



Ricác
Oinno
koronaváires
or esthádhí loi
toiyar goijje.



**Tobka 1 Dabaigorár Amóli Teés
or Esthádhí**

Véksin gwa mahafuz ne?

**Tobka 2 Dabaigorár Amóli Teés
or Esthádhí**

Véksin gwa hamgorené?

**Tobka 3 Dabaigorár Amóli Teés
or Esthádhí**

Véksin gwa mahafuz ar hamgorené?

Dabaigorár amóli teés or esthádhir
phase (feis) ókkol ékkan or uore ar
ékkan.




**FDA ér
Nozorsáni**
FDA yé dhatha
ókkol sáiyore
véksin estemal
goribólla
Emergency Use
Authorization
(EUA) (Emarjénsi
Estemal or Ejazot)
diyé.

**Western States Scientific Safety Review
Workgroup (Fosímor Dec ólor Sáñisi
Héfazoti Nozorsáni Waákgrúp)**

Héfazoti ar sóiyigori hamot aár nozorsáni goijje.
(Oregon, Washington, California, Nevada)



**Véksin Marár
Prektís ot Mocuwarár
Komithí (ACIP) ér
Nozorsáni**
Hontara véksin maron
sa íyan mocuwarde.



Véksin Bana

Véksin bana soore cúru
óiyé, zehón nozorsáni
ar kobul gorár karuwaiyi
ókkol solér.

Añáratu aro beci zanar ase

Véksin esthádhí ehóno soler ar hakiki dúniyair maalamat ókkol har thaim ot añára esthádhittu zánnde eçe ezafá ór. Ehón foijjonto fagiyéde dhatha olottu zanzádde véksin gin boóut héfazoti ar hamgore. Ehonó añáratu KOVÍDH-19 véksin or babote zanár cím ókkol asé:

- Véksin or héfazotigan hotódin foijjonto thiki tákibou?
- Véksin maijja manúic ólóttu oinno zonore biaram fóila né?
- Váires tobdil ódde íyan kí aíboude bosór ókkol ot noiya véksin toiyarir zorurot ór icára gorené?
- Milíon milíon manúic ókkol véksin maille funiyoumde indhílla hom óde sáidh éfékth ókkol tákibouné?

lín óilde aró esthádhir zorurot foriboude indhílla bala súwal ókkol. Kintu íin ehonólla maincór uore héfazot ar hamgorédde véksin marár deri goribór haron noi.

Muktólif sinta ar súwal ókkol or juwab dibólla sapóuth goroiya ase

Véksin or babote ar bondu-bandu, fémili ólore KOVÍDH-19 ottu héfazot rakár acá dekit faro. Oñne nize véksin maribor babote sinta ferecani gorit faro. Zodi oñne oinno zatir manúic óile, medhikél nezam zíine age oñnor cómaj ot biccác haráil iinóttu véksin ólore zodi oñne biccác gorifáille oñne taajub óitfaro. Sinta báfana táiboude íyan buzir. Aró mozit zano ar sapóuth lo:

- Aró maalamat ólla multco.us/covid-vaccine link ot soo.
- Oñnor dhakthor yáto Kiliník loi hóta hóiyó. Zodi oñnottu dhakthor no táile, 2-1-1 yáto Multnomah County Primary Care Clinics(Multnomah Kónthi Praitári Dekbal Kiliník): 503-988-5558 ot kól diyó
- Josbati sapóuth ar risóus háwalálla kól yáto vizíth góijjo Oregon's Statewide Safe + Strong Helpline ot. Oñnottu mosibot ot fora noforibou. 1-800-923-HELP (4357), linesforlife.org/obhsl/